

«18» հուլիսի 2022թ.

ք. Սիսիան

Ես՝ Հայաստանի Հանրապետության պետական եկամուտների կոմիտեի Հարավային մաքսատուն-վարչության պետի ԺԹՊ Արտաշես Ղամբարյանս, քննելով Իրանի Իսլամական Հանրապետության քաղաքացի Սակիավատ Մոեին Կառեհկատանլուոի կողմից մաքսային կանոնների խախտում կատարելու վերաբերյալ նյութերը,

Պ Ա Ր Զ Ե Ց Ի

2022 թվականի ապրիլի 20-ին ՀՀ ՊԵԿ ՄԴՊՎ ՍՏ բաժանմունքի և ՀՄՎ Մեղրիի մաքսային կետ-բաժնի աշխատակիցները Մեղրիի մաքսային կետ-բաժնի տարածքում զննության են ենթարկել ԻԻՀ-ից ՀՀ ժամանած, ԻԻՀ քաղաքացի Սակիավատ Մոեին Կառեհկատանլուոի կողմից շահագործվող «BENZ ATEGO» մակնիշի, 67AA268 պետհամարանիշի բեռնատարը, ինչի արդյունքում, նշված բեռնատարի տարբեր մասերում հայտնաբերվել են մաքսային հսկողությունից թաքցված ապրանքներ: Մասնավորապես՝ քննելու համար նախատեսված վայրից, անկողնու ներքնակի մեջ հայտնաբերվել է մաքսային հսկողությունից թաքցված թվով 5 տուփ «Zoladex LA 10.8 mg» գրառմամբ ներարկիչներ, որոնցից յուրաքանչյուրում առկա էին թվով 2 ներարկիչ, «Zoladex 3.6 mg» գրառմամբ ներարկիչներ թվով 13 տուփ, որոնցից թվով մեկում՝ 2 ներարկիչ, իսկ թվով 12 տուփում՝ մեկական ներարկիչներ: Բեռնատարի ետնամասում ջրի համար նախատեսված մետաղյա տարայի միջից հայտնաբերվել է 100 լիտր դիզելային վառելիք:

Փաստի առթիվ վարորդ ԻԻՀ քաղաքացի Սակիավատ Մոեին Կառեհկատանլուոի Ֆարի նկատմամբ ՀՀ մաքսային օրենսգրքի 201-րդ հոդվածի հատկանիշներով հարուցվել է մաքսային կանոնների խախտման վերաբերյալ վարույթ, իսկ իրավախախտման անմիջական օբյեկտ համարվող վերոնշյալ ապրանքներն ի պահ են հանձնվել Մեղրիի մաքսային կետ-բաժնի մաքսային հսկողության տարածքում:

ԻԻՀ քաղաքացի Սակիավատ Մոեին Կառեհկատանլուոի կողմից մաքսային հսկողությունից թաքցրած ՀՀ մաքսային սահմանով տեղափոխված ներարկիչների շուկայական արժեքը որոշելու համար 22.04.2022 թվականին նշանակվել է «Ապրանքագիտական փորձաքննություն», որի կատարումը հանձնարարվել է ՀՀ ԱՆ «Փորձագիտական կենտրոն» պետական ոչ առևտրային կազմակերպության փորձագետին:

Վարչական վարույթի շրջանակներում թիվ 135 և 154 մտից համարների զեկուցագրերով հարցում է կատարվել ՀՀ ՊԵԿ Հարավային մաքսատուն-վարչության համապատասխան ստորաբաժանմանը՝ ճշտելու վերոնշյալ ապրանքների մաքսային արժեքները և վճարման ենթակա մաքսային վճարների չափերը:

ՀՀ ՊԵԿ Հարավային մաքսատուն-վարչության թիվ 140 և 174 մտից համարների տեղեկանքների համաձայն՝ 2022թ ապրիլի 20-ի դրությամբ 100 լիտր դիզելային վառելիքի մաքսային արժեքը կկազմեր 52500 ՀՀ դրամ, «Zoladex 10.8 mg goserelin Astra Zeneca» գրառմամբ սովարաթղթե դեղատուփերով դեղերի մաքսային արժեքը կկազմեր 345 820 ՀՀ դրամ, «Zoladex 3.6 mg goserelin Astra Zeneca» գրառմամբ սովարաթղթե դեղատուփերով դեղերի մաքսային արժեքը կկազմեր 368 329 ՀՀ դրամ,:

ԵՏՄ մաքսային օրենսգրքի 2-րդ հոդվածի 1-ին մասի 25-րդ ենթակետի համաձայն՝ «Միության մաքսային սահմանով ապրանքների անօրինական տեղափոխում» է համարվում ապրանքների տեղափոխումը Միության մաքսային սահմանով այն վայրերից դուրս, որոնցով, սույն Օրենսգրքի 10-րդ հոդվածին համապատասխան, պետք է կամ կարող է իրականացվել ապրանքների տեղափոխում Միության մաքսային սահմանով, կամ այդ վայրերում գտնվող մաքսային մարմինների աշխատանքային ժամանակից դուրս, կամ մաքսային հսկողությունից թաքցնելու կամ ապրանքների ոչ հավաստի հայտարարագրման կամ չհայտարարագրման կամ ապրանքների վերաբերյալ ոչ հավաստի տեղեկություններ պարունակող փաստաթղթեր օգտագործելու միջոցով և (կամ) նույնականացման՝ կեղծ կամ այլ ապրանքներին վերաբերող միջոցներ օգտագործելու միջոցով:

ՀՀ մաքսային օրենսգրքի 189-րդ հոդվածի 1-ին և 2-րդ մասերի համաձայն՝ մաքսային կանոնների խախտում է համարվում անձի կողմից կատարված անօրինական գործողությունը կամ անգործությունը, որն ուղղված է Հայաստանի Հանրապետության մաքսային օրենսդրությամբ և մաքսային ոլորտին առնչվող Հայաստանի Հանրապետության միջազգային պայմանագրերով Հայաստանի Հանրապետության մաքսային սահմանով տեղափոխվող ապրանքների և տրանսպորտային միջոցների մաքսային հսկողության և մաքսային ձևակերպման սահմանված կարգի դեմ, և որի համար սույն օրենսգրքով նախատեսված է պատասխանատվություն: Ֆիզիկական և պաշտոնատար անձինք մաքսային կանոնները դիտավորյալ կամ անզգուշորեն խախտելու համար ենթակա են պատասխանատվության:

ՀՀ մաքսային օրենսգրքի 201-րդ հոդվածի համաձայն՝ Հայաստանի Հանրապետության մաքսային սահմանով ապրանքների տեղափոխումը՝ մաքսային հսկողությունից թաքցնելով, այսինքն՝ գաղտնարանների օգտագործմամբ, ապրանքների հայտնաբերումը դժվարացնող այլ եղանակներով կամ ապրանքներին այլ տեսք տալու միջոցով՝ հանցագործության հատկանիշների բացակայության դեպքում՝ առաջացնում է տուգանքի նշանակում՝ այդ ապրանքների մաքսային արժեքի չափով:

ՀՀ մաքսային օրենսգրքի 219-րդ հոդվածի համաձայն՝ մաքսային կանոնների խախտման վերաբերյալ գործը քննվում է վարչական պատասխանատվության ենթարկվող անձի մասնակցությամբ: Գործը կարող է քննվել նաև տվյալ անձի բացակայության դեպքում, եթե քննության տեղի ու ժամանակի մասին սահմանված կարգով նրան տեղյակ է պահվել, սակայն վերջինիս կողմից որևէ միջնորդություն չի հարուցվել, կամ եթե անձը բացակայում է, և հայտնի չէ նրա գտնվելու վայրը, կամ եթե նա գտնվում է Հայաստանի Հանրապետության սահմաններից դուրս:

Վարչական վարույթի շրջանակներում հարցում է կատարվել ՀՀ Ոստիկանության անձնագրային և վիզաների վարչությանը նպատակ ունենալով պարզել քաղաքացի Սակիավատ Մոեին Կառեհկատանլուի հաշվառման վայրը:

Ի պատասխան հարցման ՀՀ Ոստիկանության անձնագրային և վիզաների վարչությունը տրամադրել է տեղեկատվություն առ այն, որ քաղաքացի Սակիավատ Մոեին Կառեհկատանլուի հաշվառման վայրի վերաբերյալ տեղեկատվություն առկա չէ:

Քաղաքացի Սակիավատ Մոեին Կառեհկատանլուի սահմանահատումների պատմությունը ստանալու նպատակով հարցում է կատարվել ՀՀ ՊԵԿ Ներքին անվտանգության վարչությանը:

Ի պատասխան հարցման ՀՀ ՊԵԿ Ներքին անվտանգության վարչությունը տրամադրել է սահմանահատումների վերաբերյալ տեղեկատվություն համաձայն որի քաղաքացի

Սակիավատ Մոեին Կառեհկատանլուին 10.07.2022 թվականին ժամը 01:14-ին Ագարակ պետական սահմանի անցման կետով անցել է ԻԻՀ:

Այսպիսով, նյութերով պարզվել է, որ 2022 թվականի ապրիլի 20-ին քաղաքացի Սակիավատ Մոեին Կառեհկատանլուին, մաքսային հսկողությունից թաքցնելով, իր կողմից շահագործվող «BENZ ATEGO» մակնիշի, 67AA268 պետհամարանիշի բեռնատարով, ՀՀ մաքսային սահմանով տեղափոխել է ընդհանուր՝ 766 649 ՀՀ դրամ մաքսային արժեքով ապրանքներ, այսինքն՝ քաղաքացի Սակիավատ Մոեին Կառեհկատանլուի կողմից թույլ է տրվել ՀՀ մաքսային օրենսգրքի 201-րդ հոդվածով նախատեսված մաքսային կանոնների խախտում, ինչը հիմնավորվում է մաքսային կանոնների խախտման վերաբերյալ արձանագրությամբ, Հարավային մաքսատուն-վարչության թիվ 140 և 174 մտից համարների տեղեկանքներով: Վերոգրյալի հիման վրա և ղեկավարվելով ՀՀ մաքսային օրենսգրքի 201-րդ, 206-րդ, 219-րդ, 221-րդ և 224-րդ հոդվածներով,

Ո Ր Ո Շ Ե Ց Ի

1Ձ Իրանի Իսլամական Հանրապետության քաղաքացի Սակիավատ Մոեին Կառեհկատանլուին (հասցե՝ ԻԻՀ, ք.Թավրիզ, Փաստարանի փողոց, անձնագիրը՝ B41731372) ճանաչել զանցառու ՀՀ մաքսային օրենսգրքի 201-րդ հոդվածով և նրան տուգանել թաքցնելով ՀՀ մաքսային սահմանով տեղափոխված վերոնշյալ ապրանքի մաքսային արժեքի չափով՝ 766 649 /յոթ հարյուր վաթսույն վեց հազար վեց հարյուր քառասուն ինը/ ՀՀ դրամի չափով:

2Ձ Որոշման մասին հայտնել քաղաքացի Սակիավատ Մոեին Կառեհկատանլուին՝ պարզաբանելով ՀՀ մաքսային օրենսգրքի 221-րդ հոդվածի 2-րդ մասի համաձայն՝ որոշումն ուժի մեջ է մտնում կայացման պահից: ՀՀ մաքսային օրենսգրքի 222-րդ հոդվածի համաձայն՝ որոշումը կարող է բողոքարկվել վերադաս մաքսային մարմին՝ որոշումը կայացնելուց հետո 10 օրվա ընթացքում կամ ՀՀ վարչական դատարան երկու ամսվա ընթացքում:

Սույն որոշմամբ նշանակված տուգանքի վճարման հաշվեհամարն է. 900005024055* 766 649 /յոթ հարյուր վաթսույն վեց հազար վեց հարյուր քառասուն ինը/ ՀՀ դրամ, նշել 30 կողմ:

ՀԱՐԱՎԱՅԻՆ ՄԱՔՍԱՏՈՒՆ-

ՎԱՐՉՈՒԹՅԱՆ ՊԵՏԻ ԺԹՊ

ԱՐՏԱՇԵՍ ՂԱՄԲԱՐՅԱՆ